

Saeh Angq Mbanjdiendangz

□ Vangz Civeij / 黄志伟

Ngoenzhaenx, songde boux gonq boux laeng bae daengz ndaw reih haeuxyangz, gwnzmbwn fwjndaem mbwn bumzsubsub, yawj daeuj yaek aeu doek fwn lo, hoeng gyoengqde ndai reih buenq ngoenz, mbwn lij ciuqyiengh laepsubsub. Ginh Ginh roxnyinh fwngz miz di inmanh lo, heuh Vwnz Linz yietnaiq yaep ndeu. Vwnz Linz mbehai geu buh demh youq gwnznamh, song boux itheij naengh roengzdaeuj.

Ginh Ginh youq henz ndang Vwnz Linz, de sijsaeq ndaejnyi Vwnz Linz diemheiq, aen damj Ginh Ginh hix bienq hung lo. De gotdawz Vwnz Linz haeuj ndaw rungj swheij daeuj, youq gwnz faj naj de luenh cup, Vwnz Linz hix mbouj euq, ing youq ndaw rungj Ginh Ginh……

Daj Ginh Ginh dang hwnj cunh cujyin le, de gietdingh hai diuz goengloh daj Mbanjdiendangz doeng ok rog bae. Aen ci daih' it haeuj mbanj seiz, vunzmbanj bouxboux sim'angq. Vwnz Linz youq bakdou ranz raen ci le, coh Ginh Ginh daengj hwnj mehfwnz riunyumnyum.

Mbouj daengz song bi, Mbanjdiendangz loh doeng, dienh doeng, raemx doeng, Ginh Ginh ndaej bingz guh "lauzung mozfan". Ndaw yienh gietdingh dawz Mbanjdiendangz guh denjsifan lajmbanj moq, ndaw mbanj ranznamh ranzvax cungj aeu cek bae, guekgya boujdiep hawj 5000 maenz, daengx mbanj aeu hwnj ranzlaeuz liux. 5000 maenz mbouj gaeuq hwnj ranzlaeuz, boh meh Vwnz Linz hix mbouj rox bae lawz ciq ndaej baenzlai cienz daeuj hwnj.

Ngoenzneix Vangzmehbaj hwnj ranz daeuj, de riu cam: "Boh Vwnz Sih, dingqgangj sou yaek aeu hwnj ranzlaeuz ha?"

"Aeu hwnj ha, couhduw gip dai mbouj miz cienz ne!" Boh Vwnz Sih cup hwnj gaemz ien raezraez he, menhmenh boq ok gaemz hoenz oenqfwgfwg ndeu.

"Mbanjvaizrin Daeggyangz dak gou daeuj, de naeuz, danghnaeuz Vwnz Linz nyienh haq hawj de, de ok

cienz hwnj ranz hawj sou."

Daeggyangz dwg guh max vaiz gaicawx, geij bi neix daeuj seng' eiq ndei, canh le haujai cienz, hoeng de miz aen da ndeu mengz, gaenq ndaej 40 bi lo, caengz aeu ndaej yah.

"Daeggyangz vunz mbouj yaez, danghnaeuz Vwnz Linz haq le, bau mwngz yiengfuk daengx ciuhvunz, ranz hix hwnj ndaej, neix mbouj dwg gienh saeh song yiengh canh ha?" Vangzmehbaj gangj.

"Mwngz gangj hix deng, hoeng aeu cam Vwnz Linz gonq." Meh Vwnz Sih gangj.

Vwnz Linz youq ndaw rug dingq ndaej cingcing cujcuq, de doq gip hwnj buhvaq uq cuengq haeuj doengi, doq byaij okdaeuj, de doiq Vangzmehbaj gangj: "Mwngz dauqbae lwnh de nyi, ranz gou caengz guh ranz, hawj de ra dahmbwk wnq ba!"

Vangzmehbaj dauqbae lo, ndawranz cungj caemrwgrwg. Ndaw mbanj nauhnauh yiedyied cek ranzgaeuq, cij miz ranz Vwnz Linz caengz doengh, Ginh Ginh gip ndaej lumj naed duh gyang rek, de mbouj miz ngaenz bang youh simyou guh mbouj daengz gij iugouz baihgwnz.

Gvaq cibgeij ngoenz, Vangzmehbaj youh daeuj lo, Vwnz Linz mbouj siengj raen bohme h gvaq ndaej baenzneix sinhoj, de hamz raemxda doengzeiq lo.

Mbouj geij nanz, ranz Vwnz Linz hix cek ranz ciengz lo, Ginh Ginh daeuj ra Vwnz Linz, Vwnz Linz gaenq daej ndaej da hoengz liux.

Vwnz Linz caeuq Daeggyangz bae ndaw singz dwngghi gezvwnh, Vwnz Linz gvaq lohnga seiz, sawqmwh miz aen cimohdoz ndeu lumj mbin nei cung coh Vwnz Linz……

Daj Vwnz Linz gvaqseiq le, aen ranzlaeuz moq ranz de couh dingz roengzdaeuj lo, Daeggyangz caiq mbouj swt lo. Boh meh de roxnyinh doiq mbouj gvaq dahlwg, roengzsim gag guhhong ra cienz hwnj ranzlaeuz moq. Dahyen caeuq Vwnz Linz dwg ndaw mbanj doengzdoi h cei q ndei, songde ciengz caez guh' angq gangjriu.

Seiz ndaejhoengq, Ginh Ginh caeuq Dahyen doxiu daeuj dieg ranzlaeuz moq Vwnz Linz hwnj, Ginh Ginh bang daeb cien, Dahyen ndenq cien caeuq aeu naez.

Mbouj geij nanz, ranz moq ranz Vwnz Linz dauj dingj lo, Ginh Ginh caeuq Dahyen cawx bauqreng h daeuj cuengq, gij gunghcwnz cauh yiengh mbanj moq guh baenz lo. Gyang mbanj lij laeb aen daizheiq ndeu, moix daengz gyanghaemh, ndaw mbanj couh daeng ronghsagsag, gyoengq vunzmbanj youq gwnz daizheiq ciengq go diuqfoux, angq doh gyae' gyaw.

Caet nyied caet daengz lo, haemhde boh meh Vwnz Sih vih dahngeih Vwnz Linz banh laeujyaem. Vuz goengdauh daeuj guh dauh, hawj vunzgyaj daenj buhvaq moq, caiq hawj bouxsai mehmbwk gag gaem duz vunzgyaj he doxbaiq. Gyoengqvunz baez yawj, songde mbouj dwg Ginh Ginh caeuq Dahyen ma?

Ginh Ginh caeuq Dahyen baiq liux lo, Ginh Ginh coh daihgva gangj: "Haemhneix gou caeuq Dahyen banh laeuj doxaeu, daj haemhneix hwnj, Vwnzboh lungz caeuq mehbae couhduw bohme h dou, dou aeu ciengx geq hauq

dai gyoengqde!"

Raen daengz neix, boh meh Vwnz Sih raemxda gaenq rim naj lo, gyoengqvunz cungj goengheij.

Couh youq mwh dox gingq laeuj angqhoh seiz, miz aen ci ndeu hai haeuj Mbanjdiendangz daeuj, menhmenh dingz youq dangqnaj daizheiq, ndaw ci byaij ok boux sai boux mbwk, miz vunz gangj: "Neix mbouj dwg Vwnz Sih ha?"

Boh meh Vwnz Sih dingqgangj le, buet daeuj yawj, meh Vwnz Sih baez raen couh heuh: "Dah neix dwg dahlgou Vwnz Sih!" De aeu song fwngz bae got Vwnz Sih, doeklaeng daej hwnjdaeuj.

Vwnz Sih doiq vunzlai gangj: "Boux neix dwg duicangj Gvangcanj Ganheazdui ndaw si. Geij bi daeuj, gou caeuq gyoengqde bae hag damqcaz, geij ndwen gonq gaenq damq ok lajnamh ndaw mbanj raeuz moek haujai gvang, ndaej hai 50 bi. Daengz seizhaenx mbanj raeuz doeng dietloh, banh gunghcangj, vunzmbanj raeuz ndaej cienz boizbouj caemhcaiq cungj ndaej guh di hong gvendaengz hai gvang, gij ndwenngoenz couh yied daeuj yied ndei!" (sat)



Fwj mok heuxgeuj gyoengq bya gyoengq nazmbaek.

Vangz Yinz ingj

• Sawcuenhvaez Lwngnyez •

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

mbouj miz mwngz, mwhneix gou gaenq dai lo."

"Mbouj miz mwngz, gou lij ndaej lix? Mwngz dwg vih gou deng haep."

Raemxda Siu Cuh youh laeleklek lo, de dauqngex haxbaenh deng duz ngwzndaem gyaep, nyaenx mbouj ndaej daengx ndang saenzdwdwd, ngiengxgyaeuj hwnjdaeuj aeu fwngz bae lumh gahengh Lungz Byauh, gij baksieng gaenq gawhngoetngoet lo.

"In lwi?"

"Lij ndei." De rag fwngz Siu Cuh, gig gamjik cim de.

"Aeu mbouj aeu caiq sup baez he?"

"Gaej, mwngz gaenq caenhrengz lo!"

"Cijaeu mwngz ndaej lix, gou lij goq maz dem?"

"Mwngz——caen simndei, gou wnggai baenzlawz gangj?"

"Gaej gangj vah, gou rox sim' ei q mwngz……"

"Gou hix rox……"

Songde doxing doxumj, lumz le gij nditndat dak, lumz le gij baksieng in, lumz le gij dwglau haxbaenh, hix lumz le lij youq gwnz bya.

Ngoenzhaenx, dwg ngoenz ndeu songde ciuhvunz cungj mbouj ndaej lumz, miz lwed miz raemxda, miz yungyiemj hix miz cingzeiq, song aen sim youh ndat youh cingh gaenq hab baenz aen ndeu lo.

(caengz sat)

Lungz Byauh ngauz gyauej Siu Cuh, aeu genbuh bae uet gij hanh caeuq raemxda gwnz naj de, linjbyubyu hemq.

Siu Cuh menhmenh byaengq da, danq le gaemz heiq ndeu, song fwngz baez sou, gaenjaenj got hoz Lungz Byauh, fajnaj ngaem youq ndaw rungj Lungz Byauh, daejfwtfwt hwnjdaeuj.

"Ah Byauh, mwngz aiq dai luba?"

"Yaek dai, lauheiq caeux dai lo."

"Wnggai dwg gou dai, Ah Byauh, duz ngwz haenx bonjlaiz yaek haeb gou, hoeng mwngz……"

"Dou byawz hix mbouj wnggai dai, Siu Cuh, mwngz gouq diuz mingh gou lo!"

"Mbouj! Dwg mwngz gouq diuz mingh gou."

"Yienghneix gangj mbouj deng,